

填澗疏峯○峯原作亭從賀美郡至出羽國最上郡玉野八十里雖總是山野形勢險阻而人馬往還無

大艱難從玉野至賊地比羅保許山八十里地勢平坦○坦原作垣無有危嶮狄俘等曰從比羅保許山

至雄勝村五十餘里其間亦○亦原脫平唯有兩河每至水漲並用船渡四月四日軍屯賊地比羅保許

山先是田邊史○史原脫難波狀備雄勝村俘長等三人來降拜首云承聞官軍欲入我村不勝危懼故

來請降者東人曰夫狄俘者甚多奸謀其言無恒不可輒信而重有歸順之語仍共平章難波議曰發軍

入賊地者為教喻俘狄築城居民非必窮兵殘害順服若不許其請凌壓直進者俘等懼怨遁走山野勞

多功少恐非上策不如示官軍之威從此地○地原脫而返然後難波訓以福順懷以寬恩然則城墾易

守人民永安者也東人以爲然矣又東人本計早入賊地耕種貯穀省運糧費而今春大雪倍於舊○舊

常○常作年由是不得早入耕種天時如此已違元意其唯營造城墾一朝可成而守城以人存人以食耕種失

候將何取給且夫兵者見利則爲無利則止所以引軍而旋方待後年始作城墾但爲東人自入賊地奏

請將軍鎮多賀柵今新道既通地形親視至於後年雖不自入可以成事者臣麻呂等愚昧不明事機但

東人久將邊要勸謀不中○勸謀不中加原作以親臨賊境察其形勢深思遠慮量定如此謹錄事狀

伏聽勅裁但今間無事時屬農作所發軍士且放且奏

〔續日本紀三十五〕寶龜九年十二月戊戌仰陸奧出羽追蝦夷廿人為擬唐客拜朝儀衛也十年四月

庚子唐客入京將軍等率騎兵二百蝦夷二十人迎接於京城門外三橋

〔續日本紀三十九〕延曆五年九月甲辰出羽國言渤海國使大使李元泰已下六十五人乘船一隻漂著

佐伯

〔日本書紀七〕五十二年八月所獻神宮○熱蝦夷等晝夜喧嘩出入無禮時倭姬○姬原脫命曰是蝦夷等不可近就於神宮則進上於朝廷仍令安置御諸山傍未經幾時悉伐神山樹叫呼鄰里而脅人民